



INATSIARTUNI

Sulineq pillugu tusagassiortunut najoqqutassiaq

ATTAVEQARFISSAQ

Allattoqarfik paasissutissiisarnermik suliniutinillu suliaqartumik, suliaassanik ilaatigut tusagassiutinut attaveqarnermut tunngassuteqartunik isumaginnittuusumik, aalajangersimasumik sulisoqarpoq. Inatsisartut sulinerat pillugu paasissutissanik tusagassiortut siammarterinerannut iluaqutaasinnaasunik pissarsiniartoqartillugu allatulluunniit ikiorneqarnissamik kissaateqartoqartillugu sulisup taassuma sukkulluunniit saaffigineqartarnissaa Allattoqarfimmit kissaatigineqarpoq.

Saaffiginninginnermili Inatsisartut nittartagaata **ina.l**-ip alakkarneqartarnissaa siunnersuutigineqarpoq, tassanimi paasissutissat attuumassutillit sapinngisaq naapertorlugu piaartumik saqqummiunneqartarmata.

Paasissutissiisarnermut suliniutinullu immikkoortortamut saaffiginneq una aqqutigalugu pissaaq:

komm@ina.gl, oqarasuaat 34 61 14.

Inatsisartut aamma ugguuna saaffigineqarsinnaapput:
ina@ina.gl, oqarasuaat 34 50 00.

ULLOQ TUNNIUSSEREERFISSAQ

Inatsisartut ataatsimiinnerisa aallartinnissaat sapaatip akunnerinik tallimanik sioqqullugu tunniussisoqariissaaq. Ukiakkut ataatsimiinnerit septemberip qiteqqunnerani nalinginnaasumik aallartittarput, Inatsisartulli piffissamik allamik aalajangiisinnaapput. Upernaakkut ataatsimiinnerup aallartinnissanut ukiumi pineqartumi poorskip qanoq inissisimanera nalinginnaasumik apeqqutaasarpoq.

OQALUUSERISASSAT QAQUGU TAKUSINNAAVAGUT?

Siunnersuutit nassiunneqartut (nalunaarutiginninnermik oqaatigineqartartut) tunniussinissamut killiliussap qaangiunnerani Inatsisartut Allattoqarfianit Siulittaasoqarfimillu misissorneqartarput. Siunnersuutit iluserisassaannut imarisassaannullu piumasaqaatit (ilusiliinissamut piumasaqaatinik taaneqartartut) eqquutsinneqarsimanersut Siulittaasoqarfiup immikkut nalilersugassaraa. Ilusiliinissamut piumasaqaatit ilaatigut Inatsisartut suleriaasianni aammalu naalakkersuinikkut sulineranut aningaasatigut tapiissuteqartarneq pillugu inatsimmi allasimapput uanilu takuneqarsinnaallutik; **ina.gl/ataatsimiinnerit**. Kiisalu ilusiliini-ssamut piumasaqaatinik arlalinnik teknikkimut tunngassuteqarnerusunik (soorlu naqinnerit suut atorneqarnissaannut, titarnerit akunnerinut il.il. tunngassuteqartunik) Siulittaasoqarfik nammineq aalajangersaasarpoq. Inatsisartut aalajangiinissaminnut naammattumik assigiiaartumillu tunngavissaqarnissaannik qulakkeerininnissaaq ilusiliinissamut piumasaqaatit pingaarnertut siunertaraat.

Tamatuminnga suliaqarneq sapaatip akunneranik ataatsimik siviussuseqarajuppoq, tamatuma kingorna ataatsimiinnissami aggersumi oqaluuserisassat Siulittaasoqarfimmit tamanut saqqummiunneqartarput.

Oqaluuserisassat piareeraangata tusagassiorfinnut soqutigisaqartunullu allanut nassiunneqartarput. Ilutigalugulu tamanna pillugu tusagassiorfinnut nalinginnaasumik nalunaaruteqartoqartarluni.

OQALUUSERISASSANIK ALLANNGUINERIT

Inatsisartut ataatsimiinnerini oqaluuserisassat ingerlaavartumik allanngortinneqartarput. Inatsisartut ataatsimiittitaliaasa isumaliutissiissusiaminnik naammassiniaallutik piffissamik annertunerusumik pisariaqartitsinerat imaluunniit pissutsit avataaneersut assersuutigalugu soqutigisaqatigiit paasissutissanik pingaarutilinnik nutaanik saqqummiinerat taamatut allanngortitsineranut ilaatigut pissutaasinnaasarpoq.

Oqaluuserisassat allannguutaat Inatsisartut nittartagaatigut tamanut saqqummiunneqartarput kiisalu soqutigisaqartunut e-mailikkut nassiunneqartarput. Mailikkut nassinneqartussat allattorsimaffiannut ilanngu-nneqarnissamik saaffiginissut uunga nassiunneqassaaq; **lkri@ina.gl**.

ATAATSIMIINNERIT AMMASUT MATOQQASULLU

Inatsisartut ataatsimiinneri aallaavittut ammasuupput. Suleriaaserli naapertorlugu isumaqatigiinniarnit aalajangersimasut matoqqasumik ingerlanneqartarput. Tassa isumaqatigiinniarnit taakku tamanit tusagassiortunillu najuuffigineqarsinnaangillat. Tamatumani immikkut pineqarput isumaqatigiinniarnit siunnersuisoqatigiinnut aalajangiisartutullu ataatsimiittalianut ilaasortassanik toqqaaffiusut imaluunniit nersornaasiinissamut akissarsititsinissamullu tunngassuteqartut.

Ataatsimiinnerup matoqqasup aallartilernerani ataatsimiinnerup matuneqalernerani ataatsimiinnermik aqutsisup nalinginnaasumik nalunaarutigisarpaa. Taamaattoqartillugu inuit najuuttut tusagassiortullu ataatsimiittarfik ingerlaannartumik qimassavaat.

ISSIAVIIT IMMIKKUT INNIMINNIKKAT

Tusagassiorfiit sinniisaata ataatsimiittarfimmi arlalialunnik immikkut inissaqartinneqarnissaminut periarfissinneqarput. Tamanna pillugu saaffiginnissuteqartoqartillugu issiaviit pineqartut tusagassiorfiit aallartitaannit immikkut atugassanngorlugit inniminnigaaneri Allattoqarfimmit ersarissumik allagarserneqassapput. Tamanna pillugu saaffiginnissutit mailikkut ukununnga nassiinneqassapput, taamaattorli tusagassiorfionut ataasiakkaanut tusagassiorfikkaarlugi inissaq ataasiinnaq innersuussutigineqarsinnaavoq; ina@ina.gl.

ATAATSIMIITTARFIMMI ASSILINERIT FILMILIORNERILLU

Ataatsimiittarfik tusagassiorfionut kisimik sulliviginngilaat aammali inatsisiliortut sullivigaat. Taamaammallu Inatsisartut eqqissillutik tusagassiorfinilu sulisunit najuuttunit akornusersorneqaratik sulisinnaanissaat pingaaruteqarpoq.

Taamaammatt isumaqatigiinniarnert ingerlanneqarnerisa nalaanni ataatsimiittarfimmi assilinerit filmiliornerillu **ataatsimiittarfimmi tusarnaartunut inissat eqqaanni taamaallaat pisinnaapput**. Taamaattorli **ataatsimiinnerup ammarneranit tamatumalu kingorna minutsini tallimani suillerni** assiliisartut filmiliorfittu piffinni allani assilillutillu immiussisinnaapput, tamanna Inatsisartut sulinerannut akornusersuutaanngitsumik pippat. Inatsisartut ataatsimiittarfianni tattoqisaattoqartillugu assiliviit niuluunik pingasunik niutalinnik ataatsimiittarfimmut eqqussisoqassanngilaq; taamaattoqarnerani taamaallaat tiggummiartakkanik atortoqarluni immiussisoqarsinnaassaaq.

Qaqugukkulluunniit oqaluttarfik pallinneqassanngilaq.

Tusagassiorfionut inersuarmi pissusilersornerat akornusersuutaasutut ataatsimiinnermik aqutsisup nalileruniuk sukkulluunniit uparuarsinnaa-vaa. Taamaattoqartillugu peqqussutigineqartoq tusagassiorfionut piaartumik malissavaat. Tusagassiorfionut tamatumani saniatigut paarsisut (betjentit) innersuussutaannik malinnittassapput.

Immiussinissamik immikkut pisariaqartitsisoqartillugu piffissaalluortillugu kingusinnerpaamillu nalunaaquttap akinnerinik 48-nik sioqqutsilluni Allattoqarfimmut saaffiginnittoqarsinnaavoq, taassumalu kissaatigineqartoq Siulittaasoqarfimmut saqqummiutissavaa. Unnga saaffiginnitto-qassaaq; komm@ina.gl assilineralu uunga nassiinneqassalluni; ina@ina.gl.

Allattoqarfiup sulisui immikkut atugassaqartitaapput siuliani allassimasunit allaanerusinnaasunik.

INI PAASISSUTISSIISARFIULLUNILU TUSAGASSIORFIONUT SULLIVIUSSOQ

Inimik paasissutissiisarfiullunilu tusagassiorfionut sulliviusumik, tusagassiorfiit aallartitaannit soqutiginnittunilluunniit allanit atornerqarsinnaasumik, Allattoqarfik atugassiissuteqarpoq. Ini tusagassiorfionut allattunit suliffittut atuutiinnarani aammali radioqarfiit TV-qarfiillu apersuviattut atuutissaaq.

Apersuinerit torsuusani allanilluunniit Inatsisartunit kiisalu Allattoqarfimmi partiinilu suleqataasunit suliffittut atuuffeqartuni sapinngisaq naapertorlugi pisassanngillat.

Atortulersuutit inimi inissinneqarsimasut qajassuunnissaannik inussiarnersumik qinnuigineqarput.

ATAATSIMIINNERUP AVATAATIGUT ATAATSIMIITTARFIMMI TV-MUT IMMIUSSINERIT AALLAKAATITSINERILLU

Ataatsimiittarfimmi isumaqatigiinniarnert avataanni TV-mut immiussinissamik aallakaatitsinissamilluunniit kissaatigineqartoqarpat, tamanna pillugu Allattoqarfimmut isumaqatigiissuteqartoqarsinnaavoq. Immiussinissaq sioqqullugu piffissaalluortillugu Allattoqarfimmut saaffiginnissimanissaq taamatut isumaqatigiissuteqarnissamut piomasqaataavoq. Unnga saaffiginnittoqassaaq; komm@ina.gl assilineralu uunga nassiinneqassalluni; ina@ina.gl.

PISORTAT INGERLATSINERAT PILLUGU PAASITINNEQARSINNAATITAANEQ

Inatsisartut taakkulu allattoqarfiat Inatsisartut Ombudsmandiattulli pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaannut ilaatinneqanngillat.

Tamatununga pissutaavoq Inatsisartut taaguummatt "pisortat ingerlatsinerannut" ilaatinneqanngimmata. Pisortat ingerlatsinerat allaffissornikkulluunniit aqutsinerat suliasaqarfittut ingerlatsivittulluunniit inatsisiliornert tunngavigalugit innuttaasunik sullissiviusutut innuttaasullu ulluinnarni inuuneranut sunniuteqarsinnaasunik aalajangiiviusartutut paasineqassaaq, Inatsisartullu sulinerat sullinneqarnerallu tassunga ilaasutut oqaatigineqarsinnaanngilaq. Tamatumununga pissutaavoq Inatsisartut taamaallaat pisortat ingerlatsinerannik nakkutilliinermik taaneqartartoq ingerlattussaamassuk, taamalu nammineq inatsisiliornernik allaffissornikkut aqutaqaratik.

Ataatsimiititaliat inatsisit naapertorlugit pilersinneqartussat ataatsimiititaliallu ataavartut Inatsisartunit pilersinneqartut, Inatsisartut Siulittaasoqarfiat ilanngullugu, akuttunngitsumik noqqaavigineqartarput ilanngussat atortussallu allat ataatsimiititaliamut siulittaasoqarfimmulluunniit ingerlatinneqarsimasut pillugit paasitinneqarnissamik kissaatigineqarnermik. Paasissutissat tamakku akuttunngitsumik isertuussassaasarput imaluunniit suliamut aalajangersimasumut tunngatillugu allakkiisaarlutik isumaaruttussamik tamanut saqqummiunneqaraluarunik.

Tamanna pissutigineqarlugu siulittaasoqarfimmi ataatsimiititalianilluunniit ataatsimiinnert avammatt tamanut ammasumik issuaasoqaaqusaanngilaq. Malittarisassaq tamanna aamma Inatsisartut ataatsimiittarfianni, tusagassiorfionut allatulluunniit atuuppoq, soorlu aamma imaqarniliat, ilanngussatut atortussat il.il. tamanut saqqummiunneqaaqusaaneq ajortut. Taamaattorli siulittaasoqarfiup ataatsimiititalialluunniit aalajangersinnaavaat siumut aalajangersarneqareersumik tamanut nalunaaruteqartoqartarsinnaassaaq.

INATSISARTUT PAASISSUTISSIISARNERAT

Inatsisartut suliaat pillugit ukiumoortumik nalunaarusiamik Inatsisartut ukiut tamaasa saqqummersitsisarput. Taamatuttaaq Siulittaasumit, Siulittaasoqarfimmit ataatsimiititalianillu tusagassiorfionut nalunaarutunik ukioq kaajallallugu nassitsisoqartarpoq. Katersuunnerup nalaani ataatsimiinnertni oqallinnerit internetikkut kiisalu KNR-ip nuna tamakkerlugi TV-kanaligaatigut malinnaaffigineqarsinnaapput.